

xonicis ditionibus quatuor Articuli visitationis ; decisio  
quatuor artic. controv. & alia, de quibus vid. *D. Rechenberg*  
*I. c. pag. 116.* Apud Norimbergenses Responsio Philippi  
Melanchthonis ad Articulos Bavarios & ad argumenta  
Stancari, it. Constitutiones Ecclesiasticae Reipubl. Norim-  
bergensis, vid. *Isagogen superius cit.* In Ecclesia Brunsvi-  
censi & Luneburgensi der Bericht von etlichen fürneh-  
men Articeln der Lehre. it. die Regeln *D. Urbani Re-*  
*gii*, vid. *Corpus Julium Part. II.*

§. VIII. Restant nunc ea, quæ de scriptis Symbo-  
licis in specie adducere volumus. Certum autem est, ho-  
die non solum Lutheranos, sed quasvis sectas alias sua  
habere symbola, quibus dignosci ab aliis cupiant. Sic  
propria Pontificiorum est Professio fidei Tridentinæ sic  
dicta à loco, ubi Concilium multorum annorum habi-  
tum fuit, è quo hæc Confessio confecta, & anno 1564. à  
Pio IV. Pontifice Romæ publicata fuit. Calviniani pro suo  
symbolo æstiment Confessionem Belgicam, conscriptam  
primum anno superioris Sec. 61. gallice, belgice versa, an-  
no 79. latine anno 81. græce anno hujus Sec. 35. Huic  
addunt Catechesin Palatinam. Et licet Arminiani jacti-  
tent libertatem prophetandi, b. e. licentiam quamcun-  
que religionem exercendam, tamen post V. Articulos, à  
quibus Quinquartulani dicti, Confessionem suam anno  
1621. ejusdemque contra Leidenses Apologiam anno 1630.  
ediderunt. Sociniani Catechismum Rackoviensem pro  
suo venerantur Symbolo, & Anabaptistæ ipsi hoc seculo  
duas Confessiones, unam Hornæ anno 18. alteram in An-  
glia Londini anno 44. publice emittere nulli dubitarunt.

§. IX. Libri Symbolici, in specie orthodoxi, sunt  
vel universales, vel particulares. Inter illos primo omni-